

Dan škole

13/05/2017 19:19 by admin

Naša škola, 09.05.2017., obilježila je svoj 122. rođendan. Tom prilikom je upriličen niz aktivnosti s ciljem obilježavanja ovog svečanog dana. Dan prije, 8.5.2017., upriličen je turnir u malom fudbalu "Majski susreti" u sportskoj dvorani "Mirind" gdje je naša škola ugostila 5 škola, sa našim učenicima i općine Ilidža te ekipu iz zavoda "Resnik". Svečanski su uređeni vrt ispred školskog objekta kao i sam objekat škole. Škola je ukrašenjena prelijepim radovima učenika koji su sa svojim nastavnicama i nastavnicama marljivo radili cijelu školsku godinu. Takođe su izloženi brojni projekti koji su se sprovodili unutar škole kao i u saradnji sa drugim školama, institucijama i NVO.

Na sam rođendan naše škole, sa početkom u 14h, upriličena je prigodna priredba na kojoj su se predstavili učenici i zaposlenici naše škole. Nakon himne BiH, te neizostavnog sjećanja na naše heroje i poginule borce poginule tokom agresije '92-'95., prisutnim se obratio direktor škole prof. Edin Kazazović koji je kratko predstavio rad škole u ovoj školskoj godini. Nakon toga, počela je priredba. Nizali su se igrokazi, recitacije, hor, ples, ritmika dok su sevdalinka i folklor izvedeni uz muzičku pratnju učenika na klavijaturama. Brojne zvanice, gosti, roditelji kao i učenici, uživali su u programu, a neizostavni gosti-učesnici na priredbi bili su članovi Zavoda Pazarica U sklopu obilježavanja dana škole, održana je i kreativna radionica "Za rođendan mojoj školi" u sklopu projekta "Razvoj i jačanje jezičkih, matematičkih i socijalnih kompetencija kod djece osnovnoškolskog uzrasta", a koji podržava Federalno ministarstvo za obrazovanje i nauku. Rođendan naše škole je i termin promocije školskog lista "Dulistan" i to njegovog 26. broja. Nakon samog programa, gosti su se mogli poeastiti na svečanoj zakusci na kojoj su se, pored dijela koji je organizovala škola, predstavili i roditelji u sklopu "Roditeljskog kutka tradicionalne hrane" koji se priprema već godinama. Na kraju, možemo reći da smo svi zajedno proveli nekoliko sati kvalitetnog vremena uživajući u predstavljanju učenika i dobrom društvu.

Sretan ti rođendan, školo!!!

Fotografije pogledajte na našoj [fb stranici](#).